

## Dopli event a Aquilee cun Branduardi, il "cjantôr contestoriis"

Ai 17 di Lui il cjantautôr al dialogarà cul gjornalist dal Messaggero Veneto Oscar D'Agostino; ai 18 al sarà in concerti in place dal Cjapitul. Un dopli event sostignût ancje de ARLeF- Agenzie regjonâl pe lenghe furlane

Il "cjantôr contestoriis" di Italie, Angelo Branduardi, al sarà ospit de citât di Aquilee ai 17 e 18 di Lui prossims. Un dopli apontament, organizât dal Comun di Aquilee, che al à vût ancje la poie de ARLeF - Agenzie regjonâl pe lenghe furlane.

Il cjantautôr e polistrumentist al è cognossût di fat ancje pe sô reinterpretazion famose de balade populâr "Scjaraçule Maraçule", atribuide a Giorgio Mainerio: musicist e predi, une figure emblematiche de complessitât scure e visionarie dal '500 furlan, là che cult e populâr si fondin intun misteri che no simpri si pues scandaiâ. Branduardi, tra i cjantautôrs plui rivoluzionaris e inovatîfs dal panorame musicâl talian, cul so stîl unic e ricercjât, al à componût cjançons influençadis di musichis antighis, ma ancje di sonoritàs folk europeanis e americanis, in plui che dal rock progressîf. Cemût che al à sclarît Paolo Paron, studiôs di tradizions populârs: «*Branduardi al è un apassionât di musichis tradizionâls di dut il mont. Tal passât si è interessât ae musiche populâr furlane. Cognossude la opare di Mainerio, al à fat une sô reinterpretazion, la famose "Ballo in fa diesis minore"*».

Branduardi al sarà protagonist, lunis ai 17 di Lui, aes 8 di sere, inte sale consiliâr dal Comun di Aquilee, in place Garibaldi. Li al presenterà il so libri "Confessioni di un malandrino", dialogant cul gjornalist dal Messaggero Veneto, responsabil des pagjinis di culture e spettacul, Oscar D'Agostino. Al presenterà la serade il sindic di Aquilee, Emanuele Zorino.

Invezit, la sere dopo, martars ai 18 di Lui, il cjantautôr si esibirà intun concerti, simpri a Aquilee, in place dal Cjapitul, des 9.30 di sere.

Ducj i doi i events a saran a jentrade libare.

Informazions e prenotazions: 389 2858620 | [aquileiachemusica@gmail.com](mailto:aquileiachemusica@gmail.com) |

Udin, ai 11 di Lui dal 2023

### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche / e-mail: [arlef@caltpr.it](mailto:arlef@caltpr.it)

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<